



## **Porto i Lisabon**

**28.04. – 05.05.2025. godine**

**Cijena od 2.626,00 KM po osobi**

### **Uključuje**

Avio karta na relaciji Sarajevo - Porto - Lisabon - Sarajevo (Austrian airlines/Swiss Air)

Kofer do 23 kg po osobi + ručni prtljag do 7kg

Smještaj u Portu u hotelu 4\*, na bazi 3 noćenja sa doručkom

Smještaj u Lisabonu u hotelu 4\*, na bazi 4 noćenja sa doručkom

Lokalni vodič tokom boravka prema programu

Panoramski razgled Porta

Obilazak Aveira, obilazak Batalhe (bez ulaska) i obilazak Fatime

Transfer aerodrom-hotel u Portu i hotel-aerodrom u Lisabonu

Svi transferi autobusom prema programu

Boravišna taksa u Portu i Lisabonu

Napojnice za vodiča i vozača

Organizacija putovanja i pratilac grupe

### **Ne uključuje**

Doplata za jednokrevetnu sobu 1020,00 KM

Ručkovi i večere

Putno-zdravstveno osiguranje: 20,00 KM za osobe do 60 godina; 40,00 KM za osobe od 60 do 70 godina; 55,00 KM za osobe od 70 do 80 godina

Osiguranje od otkaza 150,00 KM, pokriva kompletan iznos aranžmana (ostvaruje se samo uz uplatu putnog-zdravstvenog osiguranja)

Ostale usluge koje nisu navedene u programu

### **Napomena**

**VAŽNO:** Ukoliko putujete sami, bićete spojeni sa nekim od drugih putnika u smještaj bez ikakvih doplata!



## **DAN 1 PORTO - LISABON**

Sastanak grupe na aerodromu Sarajevo 2 sata prije leta. Let za Porto preko Beča u 06:10h. Dolazak u Porto u 10:20h po lokalnom vremenu. Nakon obavljene pasoške kontrole, odlazimo na panoramski razgled grada Porta, kako biste se upoznali sa ovim predivnim gradom. Nakon panoramskog razgleda odlazak u hotel i prijava u sobe. Slobodno poslijepodne. Noćenje

## **DAN 2 PORTO**

Doručak u hotelu. Slobodan dan za individualne aktivnosti ili (fakultativno) izlet cjelodnevni obilazak Porta. Posjetićemo "Stock Exchange Palace", ili kako se sada zove "Palácio da Bolsa", zgradu iz 19. vijeka u vlasništvu trgovačkog udruženja Porto, a nalazi se u bivšem privrednom i trgovačkom srcu Porta. Palača više ne djeluje kao berza, ali ostaje sjedište Udruge i uglavnom se koristi za velike događaje, poput službenih prijema. 1957. godine kraljica Elizabeta II je primljena u Palácio da Bolsa, na velikoj ceremoniji. Sagrađena je 1842. godine, nad ruševinama nekadašnjeg samostana St. Francis, koji je spaljen 1833. godine, za vrijeme građanskog rata. Između 1833. i 1842. godine, portonski biznismeni bavili su se trgovinom na ulicama, jer nisu imali nijednu zgradu za to, pa su koristili ovu palaču za te potrebe. Dalje ćemo obići Crkvu Svetog Franciska, koja je najpoznatiji gotički spomenik u Portu. Poznata je po svojoj izuzetnoj unutrašnjoj baroknoj dekoraciji. Nalazi se u historijskom centru grada i pod zaštitom je UNESCO-a. Srednjovjekovna jezgra grada naziva se Ribeira i savršena je tačka za odmor ili ručak. Prošetaćemo ulicama Ribeire i otkriti njenu čar i šarene kuće kako bismo upili pravu atmosferu Porta. Povratak u hotel. Noćenje.

## **DAN 3 BRAGA - GUIMARAES**

Doručak. Slobodan dan u Portu ili cjelodnevni (fakultativni) izlet u Bragu i Guimaraes. Vožnja prema obližnjem Guimaraesu. Obilazak drevnog kamenog grada gdje je nastala kraljevina Portugal. Tu je rođen Dom Alfonso Henriques koji se nakon pobjede nad Maurima 1139. proglasio kraljem Portugala. Slijedi razgled odlično sačuvanih srednjovjekovnih građevina grada koji je upisan na popis UNESCO svjetske kulturne baštine 2001.g.: stare granitne zidine, romanička utvrda, palača Braganza, trg Oliviera, trg Toural, crkva Naše Gospe od Utjehe. Slobodno vrijeme. Nastavak vožnje do grada Brage, glavnog grada istoimene regije. Braga se ponosi historijom dugom dvije hiljade godina i nazivom „Portugalski Rim“ – u gradu se nižu jedna do druge više od 20 crkava, među njima i prvobitno romanička katedrala, a grad se smatra duhovnim središtem rađanja portugalskog kraljevstva te sveučilišnim centrom dubokih kršćanskih korijena. Kraći razgled grada: Se de Braga, Rua do Souto, Arco da Puorta Nova,... Slobodno vrijeme za ručak i šetnju šarmantnim ulicama grada. Povratak u Porto. Noćenje.

## **DAN 4 KHIVA - BUKHARA**

Nakon doručka odjava iz hotela i polazak prema Aveiru, poznatom još pod nazivom Venecija Portugala. Uske ulice, šarene zgrade koje se nalaze pod UNESCO-vom zaštitom, rive, pješčane plaže i prijateljski nastrojeni stanovnici su samo neki od aspekata koji definiraju Aveiro, "Skriveni dragulj" Portugala. Industrijska metropola, ali i prekrasan gradić, Aveiro je izgrađen na mrežama kanala zbog čega ga svi i porede sa Venecijom. Nakon obilaska Aveira polazak prema Batalhi, gdje ćemo vidjeti (samo izvana) portugalsko Gotičko remek djelo koje je klasifikovano u UNESCO-ovu međunarodu listu kulturne baštine. Manastir Santa Maria Viktoria datira iz 14-16. vijeka i spada u



jedno od nacionalnih obilježja. Specijalno priznanje moramo pokloniti kapeli Osnivača, kojom dominiraju veličanstveni mrlja-zastakljeni prozori "Cloister", i nedovršena kapela (Manuelino). Nastavak putovanja prema Fatimi, obilazak svetišta i Nove Kapele. Nastavak putovanja za Lisabon. Po dolasku u Lisabon prijava u hotel. Noćenje.

#### **DAN 5 PORTO - AVEIRO - BATALHA - FATIMA - LISABON**

Doručak u hotelu. Za ovaj dan planiran je (fakultativno) razgled Lisabona. U ranije dogovoreno vrijeme krećemo u obilazak jedne od najljepših evropskih metropola: Lisabon! Posjetit ćemo glavne gradske lokacije: Belém četvrt, slikovito područje zapadno od centra grada Lisabona, mjesto čvrsto povezano sa portugalskim pomorskim otkrićima prepuno historijskim spomenicima i brižno održanim vrtovima; posjet spomenicima: Crkva Svetog Jeronima (1501) bez ulaska, Belem toranj (1515) i spomenik pomorskim otkrićima (1960). Vožnja do starog grada, gdje ćemo posjetiti Alfama četvrt, najstariji dio grada i posjetićemo Staru katedralu. Povratak u hotel, slobodno poslijepodne za šetnju, shopping..... Po dogovoru sa grupom odlazak na Fado večeru i show (fakultativno). Povratak u hotel. Noćenje. "FADO DINNER & SHOW" – VEČERA UZ FADO MUZIKU I SHOW Smješten u Alfama četvrti, najstariji u gradu, idealno za tradicionalni portugalski obrok. Tokom večere ćete slušati Fado, nacionalne pjesme. Često poređen sa Gospelom zbog čvrstog karaktera melodije, Fado je pjevan uz svijeće sa mističnim zvukom portugalske gitare u pozadini. Tekst pjesma može zvučati kao bluz jer neki od njih govore o izgubljenoj ljubavi ili zabranjenoj strasti ali oni su i veseli kad god je tema dobro vino, borbe s bikovima i provođenje vremena sa svojim prijateljima!

#### **DAN 6 SINTRA - CABO DE ROCA - CASCAIS**

Doručak u hotelu. Nakon doručka, (fakultativno) izlet u Sintru. Polazak iz hotela autocestom prema Sintri, šarmantnom gradiću koji je zbog svojih prirodnih ljepota i mikroklima portugalska kraljevska porodica izabrala kao mjesto odmora tokom mnogih vijekova. Zbog svoje goleme historijske pozadine i objekata, Sintra je uvrštena u UNESCO-ovu svjetsku baštinu. Posjet Kraljevskoj palači iz 14. vijeka, a potom nešto slobodnog vremena za istraživanje centra. Polazak prema Cabo da Roca, najzapadnijoj tački kontinentalne Evrope. O ovom posebnom mjestu, veliki portugalski epski pjesnik, Luis de Camões je napisao: "Ovo je mjesto gdje završava zemlja i more počinje". Vožnja obalnim područjem Guincho, dolazak u Cascais, nekadašnje ribarsko selo koje je danas više orijentisano na usluge i turizam. Ako vrijeme dopusti, nešto slobodnog vremena će se dati u Cascais Bay. Povratak do hotela. Noćenje.



#### **DAN 7 NAZARE - OBIDOS**

Doručak u hotelu. Nakon doručka, (fakultativno) polazak za Obidos, srednjevjekovni grad koji dominira svojim zidinama. Slijedeća stanica je ribarsko selo Nazare. Slikoviti ribarski grad u kojem se nakon obilaska Sintre, nalazi jedan od ljepših pogleda na tačku iznad Atlanskog okeana. Predlažemo da ostatak slobodnog vremena provedete na plaži uz riblje specijalitete. Povratak u hotel. Slobodno vrijeme. Noćenje.

#### **DAN 8 LISABON - SARAJEVO**

Odjava iz hotela i rani transfer na aerodrom u 04:00h. Umjesto doručka putnicima će biti obezbijeđeni paketi sa doručkom za ponijeti. Let iz Lisabona za Sarajevo preko Ciriha u 05:55h. Dolazak u Sarajevo predviđen je u 13:45h. **KRAJ USLUGE.**



**CITY TRAVEL**  
PUTNIČKA AGENCIJA